



初唐第二十二

唐詩紀二十二

鄆郡吳瑄彙編

江都陸弼同校

陳子昂

五言律詩

度荆門望楚

遙遙去巫峽望望下章臺巴國山川盡荆門煙霧
開城分蒼野外樹斷白雲隈今日狂歌客誰知入
楚來

晚次樂鄉縣

故鄉杳無際日暮且孤征川原迷舊國道路入邊
城野戍荒煙斷深山古木平如何此時恨噉噉夜
猿鳴

同王員外雨後登開元寺南樓因酬暉上人
獨坐山亭有贈

鍾梵經行罷香林坐入禪巖庭交雜樹石瀨瀉鳴
泉水月心方寂雲霞思獨玄寧知人世裏疲病得
一作攀緣

東征答朝臣

平生白雲意疲薙愧為雄君王謬殊寵旌節此從
戎接繩當繫虜單馬豈邀功孤劍將何託長謠塞
上風

詠主人壁上畫鶴寄喬主簿崔著作

古壁仙人畫丹青尚有文獨舞紛如雪孤飛暖似
雲自矜彩色重寧憶故池羣江海聯翩翼長鳴誰
復聞

居延海樹聞鶯同作

邊地無芳樹鶯聲忽聽新聞關如有意愁絕若懷
人明妃失漢寵蔡女沒胡塵坐聞應落淚况憶故
園春

題李三書齋 崇嗣

灼灼青春仲悠悠白日昇聲容何足恃榮吝坐相
矜願與金庭會將待玉書徵還丹應有術煙駕共
君乘

送魏大從軍

匈奴猶未滅魏絳復從戎悵別三河道言追六郡

雄鴈山橫代北狐塞接雲中勿使燕然上惟留漢

將功 一作獨有漢臣功

送殷大入蜀

禹 一作蜀 山金碧路此地饒英靈送君一為別悽斷

故鄉情片雲生極浦斜日隱離亭坐看征騎沒唯

見遠山青

落第西還別劉祭酒高明府

別館分周國歸驂入漢京地連函谷塞川接廣陽
城望迴樓臺出途遙煙霧生莫言長落羽貧賤一

交情

落第西還別魏四慄

轉蓬方不定落羽自驚絃山水一為別歡娛復幾年
離亭暗風雨征路入雲煙還因北山逕一作歸

守東陂田

送客

故人洞庭去楊柳春風生相送河洲晚蒼茫別思盈
白蘋已堪把綠芷復含榮江南多桂樹歸客贈生平

春夜別友人二首

銀燭吐青煙金樽對綺筵離堂思琴瑟別路遶山川
明月隱高樹長河沒曉天悠悠洛陽道一作此

會在何年

紫塞白雲斷青春明月初對此芳樽夜離憂悵有餘
清冷花露滿滴瀝簷宇虛懷君欲何贈願上大
臣書

遂州南江別鄉曲故人

楚江復為客征棹方悠悠故人憫追送置酒此南

言紀 初唐卷之三十三 四
洲平生亦何恨，夙昔在林丘。違此鄉山別，長謠去國愁。

送東萊王學士無競

寶劍千金買，平生未許人。懷君萬里別，持贈結交親。孤松宜晚歲，衆木愛芳春。已矣將何道，無令白首一作新髮。

送梁李二明府

負書猶在漢，懷策未聞秦。復此窮秋日，芳樽別故人。黃金裝屢盡，白首契逾新。空羨雙鳧鳥，俱飛向

玉輪

送魏兵曹使雋州得登字

陽山淫霧雨，之子慎攀登。羌笮多珍寶，人言有愛

憎。欲一作思酬明主惠，當盡使臣能。勿以王陽道一作

歎，迢遞一作道畏峻嶒。

送著作佐郎崔融等從梁王東征并序

古者涼風至，白露下。天子命將帥，訓甲練兵將。以外威荒戎，內輯中夏。時義遠矣，自我大君受命。百蠻蟻伏，匈奴蒲萄之宮。越裳重翡翠之

貢虎符不發象
攸同寔欲高議靈臺偃兵天
下而林胡遺孽瀆亂邊
昨驅蚊蚋之師忽雷霆
之伐乃竊海裔弄燕
陲皇帝哀北鄙之人罹其
辛螫以東征之義降彼
偏裨猶恐威令未孚亭
塞可留岐路方乖關山
成恨嗟乎朝廷好入期
富貴於崇朝林嶺吾棲
學神仙而未畢青霞
路絕朱紱途遙言此會
之何時願相逢而誰伐
永懷千古豈知者之交
凡我三人盍崇不朽之
迹斯文未喪題之此山
同疏四韻云爾

閣名
金天方肅殺白露始專征
王師非樂戰之子慎佳
兵海氣侵南部邊風掃
北平莫賣盧龍塞歸邀
麟

春晦餞陶七於江南同用風字 并序

蜀江分袂巴山望別南津
坐恨歎仙帆之方遙
北渚長懷見離亭之欲
晚白雲去矣

黃鶴何之楊柳青而三春
暮我之懷矣

能無贈乎同賦一言俱題
四韻

黃鶴煙雲 一作去青江琴酒同離帆
方楚越溝水

言
復西東芙蓉生夏浦楊柳送春風明日相思處應
對菊花叢

喜遇冀侍御珪崔司議泰之二使

并序

余獨坐一隅孤憤五蠹雖身在江海而心馳魏
闕歲時仲春幽卧未起忽聞二星入井四牡臨
亭邀使者之車乃故人之駕隱几一笑把臂入
林既聞朝廷之樂復此琴樽之事山林幽寂鍾
鼎舊遊語默譚詠今復一得况北堂夜永西軒
金月微巴山有望別之嗟洛陽無寄載之客江關

離會三千餘里名位寵辱一百年中歡娛如何
日月其邁不爲目前之賞以增別後之思蟋蟀
殺人夫子何嘆

謝病南山下幽卧不知春使星入東井云是故交
親惠風吹寶瑟微月憶清真憑軒一留醉江海寄
情人

登薊城西北樓送崔著作融入都

并序

僕嘗倦遊傷別久矣况登樓遠國銜酒故人憤
胡孽之侵邊從王師之出塞元戎按甲方刈鮮

言系
卑之壘天子賜書且有君相之召而崔侯佩劍
卽謁承明羣公負戎方絕大漠燕山北望遼海
東浮雲臺與碣館天殊亭障共衣冠地隔撫劍
何道長謠增歎以身許國我則當仁論道匡君
子思報主仲冬寒苦幽朔初平蒼茫天兵之氣
冥滅戎雲之色白羽一指可掃九都赤墀九重
佇觀獻凱
遂君之恩共有策勛

飲至方同廊廟之歡偃武橐弓借爾文儒之首
薊丘故事可以贈言同賦登薊樓送崔子云爾

薊樓望燕國負劍喜茲登清規子方奏單戟我無
能仲冬邊風急雲漢復霜稜慷慨竟何道西南恨
失朋

月夜有懷

美人挾趙瑟微月在西軒寂寞夜何久殷勤玉指
繁清光委衾枕遙思屬湘沅空簾隔星漢猶夢感
精魂

夏日遊暉上人房

山水開精舍琴歌列梵筵人疑白樓賞地似竹林

言終
禪對戶池光亂交軒巖翠連色空今已寂乘月弄
澄泉

春日登金一作九華觀

白玉仙臺古一作上丹丘別望遙山川亂雲日樓榭
入煙霄鶴舞千年樹虹飛百尺橋還疑一作逢赤松
子天路坐相邀

羣公集畢氏林亭

金門有遺世一作士鼎實恣和邦默語誰能一作相識
琴樽寄北牕子牟戀魏闕漁父愛滄江良時信同

此歲晚迹難雙

宴胡楚真禁所

人生固有命天道信無言青蠅一相點白壁遂成
冤清室間逾邃幽庭春未暄寄謝一作語韓安國何
驚獄吏尊

魏氏園亭人賦一物得秋亭萱草

昔時幽徑裏榮耀雜春叢今來玉墀上銷歇畏秋
風細葉猶含綠鮮花未吐紅忘憂誰見賞空此北
堂中

晦日宴高氏林亭同用華字

并序

風有渤海之宗英是平陽之貴戚發揮鳳臺而嘯
侶幽贊雞川而留宴冠纓濟濟多延戚里之賓
鸞鳳鏘鏘自有文雅之客

尋春遊上路追宴入山家主第簪纓滿皇州景望
華玉池初吐溜珠樹始開花歡娛方未極林閣散
餘霞

五言排律

洛城觀酺應制

聖人信恭已天命允昭回蒼極神功被青雲秘籙
開垂衣受金冊張樂宴瑤臺雲鳳休徵滿魚龍雜
戲來崇恩踰五日惠澤暢三才玉帛羣臣醉徽章
緝禮該方覩升中禪言觀拜洛迴微臣固多幸敢
上萬年杯

奉和皇帝上

一作丘禮撫事述懷應制

大君忘自

一作物

我應

一作膺

運居紫宸揖讓期明辟

謳歌且順人軒宮帝圖盛皇極禮容申南面朝萬
國東堂會百神雲陛旂堂滿天庭玉帛陳鐘石和

詩經 初唐卷之二十二
睿思雷雨被深仁承平信娛樂王業本艱辛願罷
瑤池宴來觀農扈春卑宮昭夏德尊老睦堯親微
臣敢拜手歌舞頌維新

酬田逸人遊巖見尋不遇題隱居里壁

遊人獻書去薄暮返靈臺傳道尋仙友青囊賣卜
來聞鶯忽相訪題鳳久裴徊石髓空盈握金經秘
不開還疑縫掖子復似洛陽才

白帝城懷古

日落滄江晚停橈問土風城臨巴子國臺沒漢王

宮荒服仍周甸深山尚禹功巖懸青壁斷地險碧
流通古木生雲際孤帆出霧中川途去無限客思
坐何窮

峴山懷古

秣馬臨荒甸登高覽舊都猶悲墮淚碣尚想卧龍
圖城邑遙分楚山川半入吳丘陵徒自出賢聖幾
凋枯野樹蒼煙斷津樓晚氣孤誰知萬里客懷古
正踟躕

宿空舫峽青樹村浦

言紀 初唐卷之二十二
的的明月水啾啾寒夜猿客思浩方亂洲浦寂無
喧憶作千金子寧知九逝魂虛聞事朱闕結綬驚
華軒委別高堂愛窺覬明主恩今成轉蓬去嘆息
復何言

宿讓河驛浦

沿流辭北渚結纜宿南洲合岍昏初夕迴塘暗不
流卧聞塞鴻斷坐聽峽猿愁沙浦明如月汀葭晦
若秋不及能鳴鴈徒思海上鷗天河殊未曉滄海
信悠悠

贈嚴倉曹乞推命錄

少學縱橫術遊楚復遊燕栖遑長委命富貴未知
天聞道沈冥客青囊有秘篇九宮探萬象三算極
重玄願奉唐生訣將知躍馬年一作墨翟問
空滯殺龍川

和陸明府贈將軍重出塞

忽聞天上將關塞重橫行始返樓蘭國還向朔方
城黃金裝戰馬白羽集神兵星月開天陣山川列
地營晚風吹畫角春色耀飛旌寧知班定遠猶一作

言細
獨是一書生

江上暫別蕭四劉三旋欣接遇

昨夜滄江別言乖天漢遊寧期此相遇尚接武陵
洲結綬還逢育銜杯且對劉波潭一瀰瀰臨望幾
悠悠山水丹青雜煙雲紫翠浮終愧神仙友來接
野人舟

秋日遇荊州府崔兵曹使宴

并序

若夫尊卑位隔榮賤途分使卿士大夫倚軒棠
而傲物山棲木食負林壑而驕人未有能屈富

貴於沈冥雜薜蘿於簪笏天人坐契相從雲霧
之遊風雨不疲高縱琴樽之賞崔兵曹紫庭公
胄青雲貴人以鐘鼎不足以致奇才煙霞可以
交名士皇華昭國懷鳳綍而高尋白桂追遊邀
兔罝而下顧大矣哉生平未識一見而交道遂
存此日披懷千載之風期坐合支道林之雅論
妙理沈微崔子玉之雄才斯文未喪屬乎金龍
掌氣石鴈驚秋天沈寥而煙日無光野寂莫而
山川變色芸其黃矣悲白露於蒼葭木葉落兮

詩紀 不唐卷之三十一
慘紅霜於綠野爾其高興洽芳酒闌頓義和而
不留顧華堂而欲晚長歌何託思傳稽古之文
爰命小人率記當時之事人探一字六韻成篇
輜軒鳳皇使林藪鶡雞冠江湖一相許雲霧坐交
歡興盡崔亭伯言忘釋道安林光稍欲暮歲物已
將闌古樹蒼煙斷虛庭白露寒瑤琴山水曲今日
爲君彈

卧病家園

世上無名子人間歲月賒縱橫策已棄寂莫道爲

家卧病誰能問閒居空物華猶憶靈臺友棲真隱
太霞還丹奔日御却老餌雲芽寧知白社客不厭
青門瓜

于長史山池三日曲水宴

摘蘭藉芳月夜宴坐迴汀汎灩清流滿歲蕤白芷
生金絃揮趙瑟玉柱弄秦箏巖榭風光媚郊園春
樹平煙花飛御道羅綺照昆明日落紅塵合車馬
亂縱橫

合州津口別舍弟至東陽峽步趨不及眷

詩系 然有憶作以示之

江潭共爲客洲浦獨迷津
思積芳庭樹心斷白眉人
同衾成楚越別島類胡秦
林岍隨天轉雲峰逐望新
遙遙終不見默默坐含嚔
念別疑三月經遊未一旬
孤舟多逸興誰共爾爲隣

萬州曉發放舟乘漲還寄蜀中親朋

空濛巖一作微雨霽爛熳曉雲歸
嘯旅乘明發奔橈驚斷磯
蒼茫林岍轉絡繹漲濤飛
遠岍孤煙出遙峯曙日微
前瞻未能朐坐望已相依
曲直多今古

經過失是非還期方浩浩
征思日駢駢寄謝千金子
江海事多違

入峭峽安居谿伐木谿源幽
邃林嶺相映有奇致焉

肅徒歌伐木驚檝漾輕舟
靡迤隨迴水潺湲沂淺流
煙沙分兩岍露一作霞島夾雙洲
古樹連雲密交

一作文峯入浪浮巖潭相映媚
谿谷屢環周路迴光逾逼
一作出山深興轉幽麇鼯寒
思晚猿鳥暮聲秋

誓息蘭臺策將從桂樹遊
因書謝親愛千歲覓蓬

丘

入東陽峽與李明府舟前後不相及

東巖初解纜南浦遂離羣出沒同洲島沿洄異渚

濱一作棲泊風煙猶可望歌笑浩難聞路轉青山

合峯迴白日曛奔濤上漫漫積水下沄沄倏忽猶

疑及差池復兩分離離間遠樹藹藹沒遙氛地上

巴陵道星連牛斗文孤狄啼寒月哀鴻叫斷雲仙

舟不可見搖思坐氛氲

同是上人傷壽安傅少府

生涯良浩浩天命固諄諄聞道神仙尉懷德遂為

隣疇昔逢堯日衣冠仕漢辰交遊紛若鳳詞翰宛

如一作麟太息勞黃綬長思謁紫宸金蘭徒有契

玉樹已埋塵把臂雖無託平生固亦親援琴一流

涕舊館幾霑巾杳杳泉中夜悠悠世上春幽明長

隔此歌哭一作笑為何人

南山家園林木交映盛夏五月幽然清涼

獨坐思遠率成十韻

寂寥守窮巷幽獨卧空林松竹生虛白階庭橫一作

古今鬱蒸炎夏晚涼棟一作宇閔清陰軒牕交紫

靄簷戶對蒼岑鳳蘊仙人籙鸞歌素女琴忘機委

人代閉牖察天心蛟蝶憐紅藥蜻蜓愛碧潯坐觀

萬象化方見百年侵擾擾將何息青青長苦吟願

隨白雲駕龍鶴相招尋

還至張掖古城聞東軍告捷贈韋五虛已

孟秋首歸路仲月旅邊亭聞道蘭山戰相邀在井

陘屢鬪關月滿三捷虜雲平漢軍追北地胡騎走

南庭君為幙中士疇昔好言兵白虎鋒應出青龍

陣幾成披一作據圖見丞相按節入咸京寧知玉門

道翻一作空作隴西行北海朱旄落東歸白露生縱

橫未得意寂莫寡相迎負劍空嘆息蒼茫登古城

五言絕句

題祀山烽樹贈喬十二侍御

漢庭榮巧宦雲閣薄邊功可憐驄馬使白首為誰

雄

初入峽苦風寄故鄉親友

故鄉今日友歡會坐應同寧知巴峽路辛苦石尤

風

題田洗馬遊巖枯槁

望苑

一作遠

長為客商山遂不歸誰憐北陵并未息

漢陰機

古意題徐令壁

白雲蒼梧來氛氳萬里色聞君太平世棲泊靈臺

側

贈別冀侍御崔司議

并序

朝廷歡娛山林幽痾思魏闕魂已九飛飲岷江

情復三樂進不忘匡救於國退不慚無悶在林

冀侍御崔司議至公至平許我以語默于是矣

夫達則以公濟天下窮則以大道理身嗟乎子

昂豈敢負古人哉蜀國酒醪無以娛客至於挾

清瑟登高山白雲在天清江涵月可以散孤憤

可以遊太清一世之逸人寄千里之道友吾欲

不謝於崔冀二公矣所恨酒未醒琴方清王事

靡監驛騎遄速不盡平原十日之飲又謝叔度

累日之歡雲山悠悠歎不及也載房陸畢子

言終
初唐卷之二十二
為軒冕之人不知蜀山有雲巴水可與睽關良
會我心怒然請以此酣寄謝諸子為巴山別引
也

有道君匡國無悶一作機余在林白雲峨眉一作岷峨上

歲晚來相尋

燈

三五月華新遨遊逐上春芳宵殊未極隨意守燈

輪

初唐第二十二

初唐第二十二
唐詩紀二十三

鄣郡吳瑄彙編

江都陸弼同校

杜審言文苑傳云字必簡襄陽人舉進士為隰城尉雅善五言詩工書翰恃才褻傲為

世所嫉嘗謂人曰吾文章合得屈宋作衙官
吾書跡合得王羲之北面則天召見累遷膳
部員外郎神龍初坐通張易之兄弟流峯州
入為修文館學士卒與李嶠崔馳蘇味道為
文學四友
文集十卷

五言古詩

南海亂石山作

詩紀

言終
不居卷之二十三
漲海積稽天羣山高業地相傳稱亂石圖典失其事懸危悉可驚大小都不類乍將雲島極還與星河次上聳忽如飛下臨仍欲墜朝暎赭丹紫夜一作魄炯青翠穹崇霧雨蓄幽隱靈仙閼萬尋掛鶴巢千丈垂猿臂昔去景風涉今來姑洗至觀此得詠歌長時想精異

迭和西蕃使

使出鳳凰池京師陽春晚聖朝尚邊策詔諭兵戈偃拜手明光殿搖心上林苑種落踰青羌關山度

赤坂疆場及無事雅歌而餐飯寧獨錫和戎更當封定遠

五言律詩

蓬萊三殿侍宴奉敕詠終南山應制

北斗掛城邊南山倚殿前雲標金闕迴樹杪玉堂懸半嶺通佳氣中峰繞瑞煙小臣持獻壽長此戴

高一作堯天

望春亭侍遊應詔

帝出明光殿天臨太液池堯樽隨步輦舜樂繞行

言終
不月卷之三十三
一
麾萬壽禎祥獻三春景物滋小臣同酌海歌頌
無爲

宿羽亭侍宴應制

步輦千門出離宮二月開風光新柳報宴賞落花
催碧水搖空閣青山繞吹臺聖情留晚興歌管送
餘杯

歲夜安樂公主滿月侍宴應制

戚里生昌胤天杯宴重臣畫樓初滿月香殿早迎
春睿作堯君寶孫謀梁國珍明朝元會日萬壽樂

章陳

奉和七夕侍宴兩儀殿應制

一年銜別怨七夕始言歸歛淚開星曆微步動雲
衣天迴兔欲落河曠鵲停飛那堪盡此夜復往弄
殘機

大酺

永昌元年

聖后乘乾日皇明御曆辰紫宮初啓坐蒼壁正臨
春雷雨垂膏澤金錢贈下人詔酺歡賞遍交泰觀
惟新

詩已

初唐卷之三十三

三

賦得妾薄命

草綠長門掩苔青永巷幽寵移新愛奪淚落故情
留啼鳥驚殘夢飛花攪獨愁自憐春色罷團扇復
迎秋

和韋承慶過義陽公主山池五首

野興城中發朝英物外求情懸朱紱望契動赤泉
遊海燕巢書閣山雞舞畫樓雨餘清晚夏共坐北
巖幽

逕轉危

孤一作

峰逼橋迴

斜一作

缺岍妨玉泉移酒味

石髓換稗香綰霧青絲弱牽風紫蔓長猶言宴

一作

行樂少別向後池塘

携琴遶碧沙搖筆弄青霞杜若幽庭草芙蓉曲沼
花宴遊成野客形勝得山家往往留仙步登攀日
易斜

攢石當軒倚懸泉度牖飛鹿麕銜妓席鶴子曳童
衣園果嘗難遍池蓮摘未稀卷簾唯待月應在醉
中歸

賞翫奇他日高深愛此時池分

為一作

八水背峰作

言
九山疑池靜魚偏逸人閒鳥欲欺青谿留別興更
與白雲期

和晉陵陸丞早春遊望

獨有宦遊人偏驚物候新雲霞出海曙梅柳渡江
春淑氣催黃鳥晴光照綠蘋忽聞歌古調歸思欲
霑巾

秋夜宴臨津鄭明府宅

行止皆無地招尋獨有君酒中堪累月身外卽浮
雲露白宵鐘徹風清曉漏聞坐攜餘興往還似未

離羣

和康五庭芝望月有懷

明月高秋迴愁人獨夜看暫將弓並曲翻與扇俱
團霧濯清輝苦風飄素影寒羅衣一此鑒頓使別
離難

登襄陽城

旅客三秋至層城四望開楚山橫地出漢水接天
回冠蓋非新里章華卽舊臺習池風景異歸路滿
塵埃

旅寓安南

交趾殊風候寒遲暖復催仲冬山果熟正月野花
開積雨生昏霧輕霜下震雷故鄉踰萬里客思倍
從來

春日懷歸

心是傷歸望春歸異往年河山鑒魏闕桑梓憶秦
川花離芳園鳥風和綠野煙更懷歡賞地車馬洛
橋邊

代張侍御傷美人

二八泉扉掩帷屏寵愛空淚痕銷夜燭愁緒亂春
風巧笑人疑在新粧曲未終應憐脂粉氣猶着舞
衣中

送郎中北使

北狄願和親東京發使臣馬銜邊地雪衣染異方
塵歲月催行旅恩榮變苦辛歌鍾期重錫拜手落
花春

都尉山亭

紫藤縈葛藟綠刺骨薔薇下釣看魚躍探巢畏鳥

詩經
新唐卷之二十三
飛葉踈荷已晚枝
亞果新肥勝迹都無限
只應伴月歸

夏春
夏日過鄭七山齋

共有樽中好言尋
谷口來薜蘿山逕入
荷芰水亭開日氣含
殘雨雲陰送晚雷
洛陽鍾鼓至車馬繫
遲回

送崔融

君王行出將書記
遠從征祖帳連河闕
軍麾動洛城旌旆朝
朔氣笳吹夜邊聲
坐覺煙塵掃秋風古

北平

經行嵐州

北地春光晚邊城氣候寒
往來花不發新舊雪仍殘
水作琴中聽山疑畫裏看
自驚牽遠役艱險促征鞍

重九日宴江陰

蟋蟀期歸晚茱萸節候新
降霜青女月送酒白衣
人高興要長壽卑棲隔
近臣龍沙卽此地舊俗坐
爲隣

除夜有懷

故節當歌守新年把燭迎冬氛戀虬箭春色候雞鳴興盡聞壺覆宵闌見斗橫還將萬億壽更謁九重城

晦日宴遊

日晦隨萸萸春情著杏花解紳宜就水張幕會連沙歌管風輕度池臺日半斜更看金谷騎爭向石崇家

七夕

白露含明月青霞斷絳河天街七襄轉閣道二神過袷服鏘環珮香筵拂綺羅年年今夜盡機杼別情多

七言律詩

守歲侍宴應制

季冬除夜接新年帝子王孫捧御筵宮闕星河低拂樹殿庭燈燭上薰天彈絃奏節梅風入對局探鈎栢酒傳欲向正元歌萬壽暫留歡賞寄春前

大酺

毘陵震澤九州通
士女歡娛萬國同
伐鼓撞鍾驚海上
新粧袷服照江東
梅花落處疑殘雪
柳葉開時任好風
火德雲官逢道泰
天長地久屬年豐

春日京中有懷

今年遊寓獨遊秦
愁思看春不當春
上林苑裏花徒發
細柳營前葉漫新
公子南橋應盡興
將軍西地幾留賓
寄語洛城風日道
明年春色倍還人

五言排律

扈從出長安應制

分野都畿列時乘六御均
京師舊西幸洛道此東
巡文物驅三統聲明走百神
龍旗縈漏夕鳳輦拂
鈎陳撫迹地靈古游情
皇鑒新山追散馬日水憶
釣魚人禹食傳中使堯樽
遍下臣省方稱國阜問
道識風淳歲晚天行吉
年豐景從親歡娛包歷代
宇宙忽疑春

春日江津遊望

旅客搖邊思春江弄晚晴
煙銷垂柳弱霧捲落花
輕飛棹乘空下回流向日
平鳥啼移幾處蝶舞亂

相迎忽歎人皆濁隄防水至清谷王常不讓深可
戒中盈

泛舟送鄭卿入京

帝坐蓬萊殿恩追社稷臣長安遙向日宗伯正乘
春相宅開基地傾都送别人行舟縈淥水列戟滿
紅塵酒助歡娛洽風催景氣新此時光乃命誰為
惜無津

度石門山

石門千仞斷迸水落遙空道束懸崖半橋歌絕澗

中仰攀人屢息直下騎纔通泥擁奔虵徑雲埋伏
獸叢星躔牛斗北地脉象牙東開塞隨行變高深
觸望同江聲連驟雨日氣抱殘虹未改朱明律先
含白露風堅貞深不憚險澁諒難窮有異登臨賞
徒為造化功

贈崔融二十韻

十年俱薄宦萬里各他方雲天斷書札風土異炎
涼太息幽蘭紫勞歌奇樹黃日疑懷叔度夜似憶
真長北使從江左一作表東歸在洛陽相逢慰疇昔

言終
相對叙存亡草深窮巷毀竹盡故園荒雅節君彌
固衰顏余自傷人事盈虛改交游寵辱妨雀羅爭
去翟鶴斃競一作尋王思極歡娛至朋情詎可忘
琴樽橫宴席巖谷一作沼卧詞場連騎追佳賞城中
及路傍三川宿雨霽四月晚花芳復此開懸榻寧
唯入後堂興酣鵠鶴舞言洽鳳皇翔高選俄遷職
嚴程已飭裝撫躬銜道義携手戀輝光玉振先推
美金銘舊所防勿嗟離別易行役共時康

贈蘇味道

北地寒應苦南庭戍未一作不歸邊聲亂羌笛朔氣
卷戎衣雨雪關山暗風霜草木稀胡兵戰欲盡漢
卒尚重圍雲淨妖星落秋深塞馬肥據鞍雄劍動
搖一作補筆羽書飛輿駕還京邑朋游滿帝畿方期
來獻凱歌舞共春輝

和李大夫嗣真奉使存撫河東

六位乾坤動三微曆數遷謳歌移火德圖讖在金
天子月開階統房星受命年禎符龍馬出寶籙鳳
皇傳地卽交風雨都仍卜澗瀝明堂唯御極清廟

乃尊先不宰神功運無為一作私大象懸八荒平物

土四海接人煙已屬羣生泰猶言至道偏重書傍

問俗旌節近推賢秩比司空位官臨御史貞推詞

執刀筆直諫罷樓船國有大臣器朝加小會筵將

行備禮樂送別仰神仙城闕周京轉關河陝服連

稍觀汾水曲俄指降臺前姑射聊長望平陽遂宛

然舜耕餘草木禹鑿舊山川昔出諸侯上一作爭無

何霸業全中軍歸戰敵外府絕兵權隱隱帝鄉遠

瞻瞻肅命虔西河偃風俗東壁掛星躔井邑枌榆

社陵園松栢田榮光晴一作朝掩代佳氣曉一作晚侵

燕雨霈鴻私滌風行睿旨宣憚發訪疾苦屠釣採

貞堅人樂逢刑措時康洽賞延賜踰秦氏級恩倍

漢家錢擁傳咸翹首稱觴競比肩拜迎彌道路舞

詠溢郊鄠殺氣西衡白窮陰北暝一作上玄飛霜遙

渡海殘月迴臨邊緬邈朝廷問周流朔塞旋興來

探馬策俊發抱龍泉學總八千卷文傾三百篇澄

清得使者作頌有人焉莫以崇斑閔而云勝託捐

偉材何磊落陋質幾翩翩江海寧為讓巴渝轉自

詩系 初唐卷之三十三
牽一聞歌聖道助曲荷陶甄

七言絕句

贈蘇綰書記

知君書記本翩翩為許從戎赴朔邊紅粉樓中應
計日燕支山下莫經年

渡湘江

遲日園林悲昔遊今春花鳥作邊愁獨憐京國人
南竄不似湘江水北流

戲贈趙使君美人

紅粉青娥映楚雲桃花馬上石榴裙羅敷獨向東
方去謾學他家作使君

初唐第二十三

初唐第二十四

唐詩紀二十四

鄆郡吳瑄彙編

江都陸弼同校

劉希夷

文苑傳云汝州人善為從軍閨情之詩詞調哀苦為時所重志行不脩為姦所

殺。唐新語云希夷一名庭芝孫翌撰正聲集以希夷詩為集中之最由是大為時人所

稱

將軍行

將軍闢轅門耿介當風立諸將欲言事逡巡不敢入劍氣射雲天鼓聲振原隰黃塵塞路起走馬追

詩紀

初唐卷之二十三

兵急彎弓從此去飛箭如雨集截圍一百重斬首
五千級代馬流血死胡人抱鞍泣古來養甲兵有
事常討襲乘我廟堂運坐使干戈戢獻凱歸京師
一作還軍容何翕習
帝京

從軍行

秋天風颯颯

一作秋風
來瑟瑟

羣胡馬行疾嚴城晝不開

伏兵暗相失天子廟堂拜將軍凶門出紛紛晉陽
道戎馬幾萬匹軍門壓黃河兵氣衝白日平生懷
仗劍慷慨卽一作既投筆南登漢月孤北走代一作燕

雲密近取韓彭計早知孫吳術大夫清萬里誰能
掃一室

春女行

春女顏如玉怨歌陽春曲巫山春樹紅沅江

一作相

春草綠自憐妖艷姿粧成獨見時愁心伴楊柳春
盡亂如絲目極千餘里悠悠春江水頻想玉關人
愁卧金閨裏尚言春花落不知秋風起嬌愛猶未
終悲涼從此始憶昔楚王宮玉樓粧粉紅纖腰弄
明月長袖舞一作拂春風容華委西山光陰不可一作

再還桑林沒

一作變

東海富貴今何在寄言桃李容

胡為閨閣重但看楚王墓唯有數株松

孤松篇

蠶月桑葉青鶯時柳花白澹豔煙雨姿敷芬

一作芳

陽春陌如何秋風起零落從此始獨有南澗松不

歎東流水玄陰天地冥皓雪朝夜零豈不罹寒暑

為君留青青好顏色落落任孤直羣樹遙相

望眾草不敢逼靈龜卜真隱仙鳥宜棲息恥受秦

帝封願言唐侯食寒山夜月明山冷氣清清淒兮

歸風

一作鳳

集吹之作琴聲松子卧仙岑寂聽疑野

心清冷有真曲樵採無知音美人何時來幽徑委

綠苔吁嗟深澗底棄捐廣厦材

嵩嶽聞笙

月出嵩山東月明山益空山人愛清景散髮卧秋

風風止夜何清獨夜草蟲鳴仙人不可見乘月近

吹笙絳脣吸靈氣玉指調真聲真聲是何曲三山

鸞鶴情昔去洛塵俗願言聞此曲今來卧嵩岑何

幸承幽音神仙樂吾事笙歌銘夙心

詩紀

初唐卷之二十四

言絲
秋日題汝

一作南陽潭壁

獨坐秋陰生悲來從所適行見汝陽潭飛蘿蒙水
石懸瓢木葉上風吹何歷歷幽人不耐煩振衣一作
袂步閑寂迴流清見底金沙覆銀礫錯落非一文
空隴幾千尺魚鱗可憐紫鴨毛自然碧吟詠秋水
篇渺然亡損益秋水隨形影清濁混心迹歲暮歸
去來東山余宿昔

采桑

楊柳送行人青青西入秦誰家采桑女樓上不勝

春盈盈灞水曲步步春芳綠紅臉耀明珠絳脣含
白玉回首渭橋東遙憐春一作樹色同青綵嬌落日
細綺弄春風携籠長歎息逶遲一作迤戀春色看花
若有情倚樹疑無力薄暮思悠悠使君南陌頭相
逢不相識歸去夢青樓

謁漢世祖廟

春陵氣初發漸臺首未傳列營百萬衆持國十八
年運開朱旗後道合赤符先宛城劍鳴匣昆陽鏑
應弦獷獸血塗地巨人聲沸天長驅過北趙短兵

出南燕太守迎門外王郎死道邊昇壇九城一作
陌端拱千秋年朝廷方雀躍劍珮幾聯翩至德刑
四海神儀翳九泉宗子行舊邑恭聞清廟篇君容
穆而聖臣像儼猶賢攢木承危柱踈蘿挂朽椽祠
庭巢鳥啄祭器網蟲緣懷古江山在惟新曆數遷
空餘今夜月長似舊時懸

巫山懷古

巫山幽陰地神女艷陽年襄王何容色落日望悠
然歸來高唐夜金缸焰青煙頽想卧瑤席夢魂何

翩翩搖落殊未已榮華倏徂遷愁思瀟湘浦悲涼
雲夢田猿啼秋風夜鴈飛明月天巴歌不可聽聽
此益潺湲

歸山

歸去嵩山道煙花覆青草草綠山無塵山青楊柳
春日暮松聲合空歌思殺人

代閨人春日

珠簾的曉光玉顏艷春彩林間鳥鳴喚戶外花相
待花鳥惜芳菲鳥鳴花亂飛人今伴花鳥日暮不

詩經 卷之二十四 五
能歸池月憐歌扇山雲愛舞衣佳期楊柳陌携手
莫相違

蜀城懷古

蜀土一作山遶水竹吳天積風霜窮覽通表裏氣色

何蒼蒼舊國有年代青樓思艷妝古人無歲月白

骨冥丘荒寂歷彈琴地幽流一作留讀書堂玄龜埋

卜室彩鳳滅詞場陣圖一一在栢樹雙雙行鬼神

清漢廟鳥雀參秦倉歎世已多感一作日已多懷心

益自傷一作心自傷賴蒙靈丘境時當一作鈞明月光

洛川懷古

萋萋春草綠悲歌牧征馬行見白頭翁坐泣青竹

下感歎前問之贈予辛苦詞歲月移今古山河更

盛衰晉家都洛濱朝廷多近臣詞賦歸潘岳繁華

稱季倫梓一作紫澤春草菲河陽亂華飛綠珠不可

奪白首同所歸高樓倏冥滅茂林久摧折昔時歌

舞臺今成狐兔穴人事互消亡世路多悲傷北邙

是吾宅東岳爲我鄉君看北邙道髑髏榮蔓草芳

碑瑩或半存荆棘斂幽魂

言終
不居卷之二十四
六
揮涕棄之去不忍聞此言

春日行歌

山樹落梅花飛落野人家野人何所有滿甕陽春

酒携酒上

一作向

春臺行歌伴落梅醉罷卧明月乘

夢遊天台

江南曲八首

暮宿南洲草晨行北岼林日懸滄海濶水隔洞庭
深煙景無留意風波有異潯歲遊難極目春戲易
爲心朝夕無榮遇芳菲已滿襟

艷唱潮初落江花露未晞春洲驚翡翠朱服弄芳
菲畫舫煙中淺青陽日際微錦帆衝浪濕羅袖拂
行衣含情罷所採相歎惜流暉

君爲隴西客妾遇江南春朝遊含靈果夕採弄風
蘋果氣時不歇蘋花日自新以此江南物持贈隴
西人空盈萬里懷欲贈竟無因
皓如楚江月靄若吳岫雲波中自皎鏡山上亦氤
氳明月留照妾輕雲持贈君山川各離散光氣乃
殊分天涯一爲別江北不相聞

言系
初唐卷之二十四
七
艤舟乘潮去風帆振草涼潮平見楚甸天際望維
揚洄泝經千里煙波接兩鄉雲明江嶼出日照海
流長此中逢歲晏浦樹落花芳

暮春三月晴維揚吳楚城城臨大江汜迴映洞浦
清晴雲曲金閣珠樓碧煙裏月明芳樹羣鳥飛風
過長林雜花起可憐離別誰家子于此一至情何
已

北堂紅草盛芊茸南湖碧水照芙蓉朝遊暮起金
花盡漸覺羅裳珠露濃自惜妍華三五歲已歎關

山千萬重人情一去無還日欲贈懷芳怨不逢

憶昔江南年盛時平生怨在長洲曲冠蓋星繁江
水上衝風標落洞庭淥落花 袖紅紛紛朝霞高

閣洗晴雲誰言此處嬋娟子珠玉爲心以奉君

擣衣篇

秋天瑟瑟夜漫漫夜白風清玉露溥燕山遊子衣
裳薄秦地佳人閨閣寒欲向樓中縈楚練還來機
上裂齊紈攬紅袖兮愁徙倚盼青砧兮悵盤栢盤
栢徙倚夜已久螢火雙飛入簾牖西北風來吹細

言終
卷之二十四
腰東南月上浮纖手此時秋月可憐明此時秋風
別有情君看月下參差影爲聽莎間斷續聲絳河
轉兮青雲曉飛鳥鳴今行人少攢眉緝縷思紛紛
對影穿針魂悄悄聞道還家未有期誰憐登隴不
勝悲夢見形容亦舊日爲許裁縫改昔時緘書遠
寄交河曲須及明年春草綠莫言衣上有斑斑只
爲思君淚相續

公子行

天津橋下陽春水天津橋上繁華子馬聲迴合青

雲外人影動搖

一作搖動

綠波裏綠波蕩漾

一作清迴

玉爲

砂青雲離披錦作霞可憐楊柳傷心樹可憐桃李
斷腸花此日遨遊邀美女此時歌舞入娼家娼家
美女鬱金香飛去飛來公子傍的的珠簾白日映
娥娥玉顏紅粉妝花際裴徊雙蛺蝶池邊顧步兩
鴛鴦傾國傾城漢武帝爲雲爲雨楚襄王古來容
光人所羨况復今日遙相見願作輕羅着細腰願
爲明鏡分嬌面與君相向轉相親與君雙棲共一
身願作貞松千歲古誰論芳槿一朝新百年同謝

西山日千秋萬古北印塵

代悲白頭翁

洛陽城東桃李花飛來飛去落誰家幽閨

一作洛陽兒

女惜一作好顏色坐見

一作行逢

落花長歎息今年花落

顏色改明年花開復誰在已見松栢摧為薪更聞

桑田變成海古人無復洛城東今人還對落花風

年年歲歲花相似歲歲年年人不同寄言全盛紅

顏子須

一作應

憐半死白頭翁此翁白頭真可憐伊

昔紅顏美少年公子王孫芳樹下清歌妙舞落花

前光祿池臺文

一作開

錦繡將軍樓閣畫神仙一朝

卧病無相

一作人

識三春行樂在誰邊宛轉蛾眉能

幾時須更鶴髮亂如絲但看古來歌舞地惟有黃

昏鳥雀悲

唐新語云希夷善琵琶嘗為白頭詠云今年花落顏色改明年花開復誰在既

而悔曰我此詩似識與石崇白首同所歸何異乃更作云年年歲歲花相似歲歲年年人不同既而

歎曰復似向識矣詩成未周歲為姦人所殺或云宋之問害希夷而以白頭翁之篇為已作至今有

載此篇在之問集中

代秦女贈行人

鸞鏡曉含春蛾眉向影頰開

衣裳破那堪粉黛

詩已

言終
新唐卷之二十四
十一
新春還洛陽道爲憶春堦草楊葉未能攀梅花待
君掃今朝喜鵲傷人飛應是狂夫走馬歸遙想行
歌共遊樂迎前含笑着春衣

洛中晴月送殷四入關

清洛浮橋南渡頭天晶

一作明

萬里散華洲晴看石

漱光無數曉入寒

一作圓

潭浸不流微雲一點曙煙

起南陌憧憧遍行子欲將此意與君論復道秦關

向

一作尚

千里

入塞

將軍陷虜圍邊務息戎機霜雪交河盡旌旗入塞
飛曉光隨馬度春色伴人歸課績朝明王臨軒拜
武威

覽鏡

青樓挂明鏡臨照不勝悲白髮今如此人生能幾
時秋風下山路明月上春期歎息君恩盡容顏不
可思

晚春

佳人眠洞房回首見垂楊寒盡鴛鴦被春生玳瑁

詩經
卷之二十四
十一
牀庭陰幕青靄簾影散紅芳寄語同心伴迎春且
薄妝

送友人之新豐

日暮秋風起關山斷別情淚隨黃葉下愁向綠樽
生野路歸驂轉河洲宿鳥驚賓遊寬旅宴王事促
嚴程

餞李秀才赴舉

鴻鵠振羽翩翩飛入帝鄉朝鳴集銀樹暝宿下金
塘日月天門近風煙夜路長自憐窮浦鴈歲歲不

隨陽

夜集張諲所居

江南成久客門館日蕭條惟有圖書在多傷鬢髮
凋諸生陪講誦稚子給漁樵隱室寒燈淨空階落
葉飄滄洲自有趣誰道隱須招

故園置酒

酒熟人須飲春還鬢已秋願逢千日醉得緩百年
憂舊里多青草新知盡白頭風前燈易滅川上月
難留卒卒周姬旦栖栖魯孔丘平生能幾日不及

言糸
且遨遊

晚憩南陽旅館

旅館何年廢征夫此日過途窮人自哭春至鳥還
歌行路新知少荒田古逕多池篁覆丹谷墳樹遶
清波日照蓬陰轉風微野氣和傷心不可去回首
怨如何

初唐第二十四

初唐第二十五

唐詩紀二十五

鄆郡吳瑄彙編

江都陸弼同校

李嶠

本傳云字巨山趙州人兒童時夢神人遺

之雙筆自是漸有學業弱冠舉進士累轉
監察御史轉鳳閣舍人朝廷每有大手筆皆
嶠為之聖曆初遷鸞臺侍郎知政事神龍中
拜吏部尚書封趙國公景龍中以特進守兵
部尚書同中書門下三品睿宗立出刺懷州
致仕卒有文集五十卷○張說評云李嶠崔
融薛稷宋之問之文如良金美玉無施不可
○紀事云嶠初與王楊接踵中與崔蘇齊名
晚諸人沒獨為文章宿老一時學者取法焉
又云嶠有三戾性好榮遷憎人陞進
好文章憎人才華性貪濁憎人受賂

詩紀

初唐卷之二十四

五

五言古詩

奉教追赴九成宮途中口號

委質承仙翰祗命遄遙策事偶從梁遊人非背淮
客長驅歷川阜迴眺窮原澤鬱鬱桑柘繁油油禾
黍積雨餘林氣靜日下山光夕未攀叢桂巖猶倦
飄蓬陌行當奉麾蓋慰此勞行役

秋山望月酬李騎曹

愁客坐山隈懷抱自悠哉況復高秋夕明月正裴
徊亭亭出迴岫皎皎映層臺色帶銀河滿光含玉

露開淡雲籠影度虛暈抱輪迴谷邃涼陰靜山空
夜響哀寒催數鴈過風送一螢來獨軫離居恨遙
想故人杯

和同府李祭酒休沐田居

列位簪纓序隱居林野躅狗物爽全直棲真昧均
俗若人兼吏隱率性夷榮辱地藉朱邱基家在青
山足暫弭西園蓋言事東臯粟築室俯澗濱開扉
面巖曲庭幽引夕霧簷迴通晨旭迎秋谷黍黃含
露園葵綠勝情狎蘭杜雅韻鏘金玉伊我懷丘園

言系
願心從所欲

扈從還洛呈侍從羣官

四海帝王家兩都周

一作姬

漢室觀風昔來幸御氣

今旋蹕雷奮六合開天行萬乘出玄冥奉時駕白
拒叅戎律後隊咽笳簫前驅嚴罕畢輝光射東井
禁令橫西秩帳殿別陽秋旌門臨甲乙將交洛城
雨稍遠長安日印鞏雲外來咸秦霧中失孟冬霜
霰下是月農功畢天道向歸餘皇情美陰隲行存
名嶽禮遞問高年疾祝鳥旣開羅調人更張瑟登

原采謳誦俯谷求才術邑罕懸磬貧山無掛瓢逸
施恩浹寰宇展義該文質德澤盛軒遊哀矜溪禹
恤申歌地廬駭獻壽衢罇溢瑞色抱氤氲寒光變
蕭颺宗枝旦奭輔侍從王劉匹並輯蛟龍書同簪
鳳凰筆陶甄荷吹萬頌歎歸明一歡與道路長顧
隨談笑密叨承廊廟選

一作舉

謬齒夔龍弼喜構大

厦成慙非棟隆吉

奉使築朔方六州城率爾而作

奉詔受邊服總徒築朔方驅彼犬羊族正此戎夏

言終
卷之三
疆子來多悅豫王事寧怠遑三旬無愆期百雉鬱
相望雄視沙漠垂有截北海陽二庭已頓顙五嶺
盡來王驅車登崇墉顧眄凌大荒千里何蕭條草
木自悲涼憑軾訊古今慨焉感興亾漢障緣河遠
秦城入海長顧無廟堂策貽此中夏殃道隱前業
衰運開今化昌制爲百王式舉合千載防馬牛被
路隅鋒鏑銷戰場豈不懷賢勞所圖在永康王事
何爲者稱代陳頌章

早發苦竹館

合沓巖嶂深朦朧煙霧曉荒阡下樵客野猿驚山
鳥開門聽潺湲入徑尋窈窕棲巖抱寒木流螢飛
暗篠早霞稍霏霏殘月猶皎皎行看遠星稀漸覺
遊氛少我行撫輶傳兼得傍林沼貪翫水石奇不
知川路渺徒憐野心曠詎惻浮年小方解寵辱情
永託累塵表

安輯嶺表事平罷歸

雲端想京縣帝鄉如可見天涯望越臺海路幾悠
哉六月飛鵬去三年瑞雉來境遙銅柱出山險石

言終
門開自我違，瀍洛瞻途屢。揮霍朝朝寒，露多夜夜
征衣薄。白簡承朝憲，朱方撫夷落。旣弘天覆廣，且
諭皇恩博。皇恩溢外區，憬俗詠來蘇。聲朔臣天子，
壇場拜老夫。絳宮韜將畧，黃石寢兵符。返旆收龍
虎，空營集鳥烏。日落澄氛靄，憑高視衿帶。東甌抗
於越南斗，臨吳會春色。遶邊陲，飛花出荒外。卉服
紛如積，長川思遊客。風生丹桂晚，雲起蒼梧夕。去
軸艤清江，歸軒趨紫陌。衣裳會百蠻，瑛蕢委重關。
不學金刀使，空持寶劍還。

雲

大梁白雲起，氛氲殊未歇。錦文觸石來，葢影凌天
發。烟煴萬年樹，掩映三秋月。會入大風歌，從龍赴

圓

一作闕

七言古詩

擬古東飛伯勞西飛鸞

傳書青鳥迎簫鳳，巫嶺荆臺數通夢。誰家窈窕住
園樓，五馬千金照陌頭。羅裙玉珮當軒出，點翠施
紅競春日。佳人二八盛舞歌，羞將百萬呈雙蛾。庭

詩經 初唐卷之三十五
前芳樹朝夕改空駐妍一作華欲誰待

寶劍篇

吳山開越谿涸三金合冶成寶鏐
淬綠水鑿紅雲五采焰起光氛氲
背上銘為萬年字胷前點作七星
文龜甲參差白虹一作色輓轡宛轉黃金飾駭
一作犀中斷寧方利駿馬羣
駢未擬直風霜凜凜匣上清精氣
遙遙斗間明避災朝穿晉帝屋
逃亂夜入楚王城一朝運偶逢大仙
虎吼龍鳴騰上天東皇提昇紫微座
西王佩下赤城田承平久息干

戈事僥倖得充文武備除災辟患宜
君王益壽延齡後天地

汾陰行

君不見昔日西京全盛時汾陰后土
親祭祠齋宮宿寢設備供撞鐘鳴鼓
樹羽旂漢家五一作葉才且雄賓延萬靈服九戎
栢梁賦詩高宴罷詔書法駕幸河東
河東太守親掃除奉迎至尊導鑾輿
五營夾道列容衛三河縱觀空里閭
迴旌駐蹕降靈場焚香奠醑邀百祥
金鼎發色正焜煌靈祇煒燁

言終
不居卷之三
六
攄景光埋玉陳牲禮神畢舉麾上馬乘輿出彼汾
之曲嘉可遊木蘭爲楫桂爲舟棹歌微吟綵鷁浮
簫鼓哀鳴白雲秋歡娛宴洽賜羣后家家復除戶
牛酒聲明動天樂無有千秋萬歲南山壽自從天
子向秦關玉輦金車不復還珠簾羽扇一作長寂
寔鼎湖龍髯安可攀千齡人事一朝空四海爲家
此路窮雄豪意氣今何在壇場宮館盡蒿蓬路逢
故老長歎息世事回環一作還不可測昔時青樓對
歌舞今日黃埃聚荆棘山川滿目淚沾衣富貴榮

華能幾時不見祇今汾水上唯有年年秋鴈飛

明皇

傳信記云上將幸蜀登華萼樓使樓前善水調者登而歌至山川滿目云云上顧侍者曰誰爲此曰宰杜李嶠辭也上曰真才子也不待曲終而去

長林令衛象錫絲結歌

主人瑀盤盤素絲寒女眷眷墨子悲答乃假使錫
爲之八珍重沓失顏色手援玉節不敢持始狀芙
容新出水仰折重衣傾萬葉又如合歡交亂枝紅
茸向暮花參差吳蠶落繭抽尚絕細縷織毫看欲
滅雲髮羞垂倭墮鬟繡囊畏並茱萸結我愛此絲

言
卷之二十五
十
巧妙絕世無為君作歌陳座隅

五言律詩

中宗降誕日長寧公主滿月侍宴應制

神龍見像日仙鳳養雛年大火乘天正明珠對月

圓作新一作延金篋裏歌奏玉筐前今日宜孫慶還

參祝壽一作聖篇

奉和送金城公主適西蕃應制

漢帝撫戎臣綵言命錦輪還將弄機女遠嫁織皮

人曲怨關山月粧消道路塵所嗟穠李樹空對小

榆春

侍宴長寧公主東莊應制

紀事云長寧公主韋庶人所生下嫁楊慎造第東都府財幾竭又取西京高士廉第左金吾衛廢營合為宅作三重樓築山浚池帝及后數臨幸置酒賦詩嶠等屬和即東莊也

別叢臨青甸鳴鸞降紫霄長筵鵷鷺集仙管鳳凰

調樹接南山近煙含北渚遙承恩咸已醉戀賞未

還鑣

立春日侍宴內殿出剪綵花應制

早聞年欲至剪綵學芳辰綴綠一作綺奇能似裁紅

巧逼一作真花從篋裏發葉向手中春不與時一作

部光競何名天上人

奉和人日清暉閣宴羣臣遇雪應制

三陽偏勝節七日最靈辰行慶傳芳蟻升高綴綵
人堦前奠候月樓上雪驚春今日銜天造還疑上

漢津

奉和春日遊苑喜雨應制

仙蹕九成一作臺香筵萬壽杯一旬初降雨二月
早聞雷葉向朝墜密花含宿潤開幸承天澤豫無

使日光催

春日侍宴幸芙蓉園應制

年光竹裏遍春色杏間遙煙氣籠青閣流文蕩畫
橋飛花隨蝶舞豔曲伴鶯嬌今日陪歡豫還疑陟

紫霄

甘露殿侍宴應制

國秀集以此篇為第一

月宇臨丹地雲牕網碧紗御筵陳桂醕天酒酌榴
花水向浮橋直城連禁苑斜承恩恣歡賞歸路滿

煙霞

詩紀

初唐卷之三十五

九

言系
奉和七夕兩儀殿會宴應制

靈匹三秋會仙期七夕過查來人泛海橋渡鵲填
河帝縷升銀閣天機罷玉梭誰言七襄詠重一作流
入五絃歌

奉和九月九日登慈恩寺浮圖應制

瑞塔千尋起仙輿九日來萸房陳寶席菊蕊散花
臺御氣鵬霄近升高鳳野開天歌將梵樂空裏共
徘徊

閏九月九日幸總持寺登浮圖應制

閏節開重九真遊下大千花寒仍薦菊座晚更披
蓮刹鳳廻雕輦幡虹間綵旃還將西梵曲助入南
薰絃

奉和驪山高頂寓目應制

步輦陟山巔山高入紫煙忠臣還捧日聖后欲捫
天迴識平陵樹低看華嶽蓮帝鄉應不遠空見白
雲懸

遊禁苑幸臨渭亭遇雪應制

同雲接野煙飛雪暗長天拂樹添梅色過樓助粉

詩經 初唐卷之二十五
妍光含班女扇韻入楚王絃六出迎仙藻千箱答
瑞年

幸白鹿觀應制

駐蹕三天路迴旃萬仞谿真庭羣帝饗洞府百靈
棲玉酒仙壚釀金方暗壁題佇看青鳥入還陟紫
雲梯

送沙門弘景道俊玄奘還荊州應制

一作宋之

詩問

三乘歸淨域萬騎餞通莊就日離亭近彌天別路

長荆南旋杖鉢渭北限津梁何日紆真果還來入
帝鄉

酬杜五弟晴朝獨坐見贈

平明坐虛館曠望幾悠哉宿霧分空盡朝光度隙
來影低藤架密香動藥欄開未展山陽會空留池
上杯

同賦山居七夕

明月青山夜高天白露秋花庭開粉席雲岫敞針
樓石類支機影池似泛槎流暫驚河女鵲終狎野

言
人鷗

送崔主簿赴滄州

紫陌追隨日青門相見時
宦遊從此去離別幾年
期芳桂中樽酒幽蘭下
調詞他鄉有明月千里照
相思

寒食清明早赴王門率成

遊客趨梁邱朝光入楚臺
槐煙乘曉散榆火應春
開日帶晴虹上花隨早蝶來
雄風乘令節餘吹拂
輕灰

和周記室從駕曉發合璧宮

濯龍春苑曙翠鳳曉旗舒
野色開煙後山光澹月
餘風長笳響咽川迴騎行
踈珠履陪仙駕金聲振
屬車

和杜侍御太清臺宿直旦有懷

貂冠朝彩振烏署曉光分
欲嘯遷喬侶先飛擲地
文庭虛麥雨潤林靜蕙風薰
嵇駕終難仰梁鳧且
自羣

和杜學士江南初霽羈懷

詩
記

初唐卷之二十五

七

大江開宿雨征棹下春流霧捲晴山出風恬晚浪
收岼花明水樹川鳥亂沙洲羈眺傷千里勞歌動

四愁

此篇與馬周浮江旅思
詩後四句同而少異

晚景悵然簡二三子

楚客秋悲動梁臺夕望賒梧桐稍下葉山桂欲開
花氣引迎寒露光收向晚霞長歌白水曲空對綠
池華

送李邕

落日荒郊外風景正淒淒離人席上起征馬路傍

嘶別酒傾壺贈行書掩淚題殷勤御溝水從此各
東西

又送別

岐路方爲客芳樽暫解顏人隨轉蓬去春伴落梅
還白雲渡汾水黃河繞晉關離心不可問宿昔鬢
成斑

餞駱四二首

又見駱
賓王集

平生何以樂丰酒夜相逢曲中驚別緒醉裏失愁
容星月懸秋漢風霜入曙鐘明日臨溝水青山幾

萬重

甲第驅車入良宵秉燭遊人追竹林會酒獻菊花
秋霜吹飄無已星河漫不流重嗟歡賞地翻召別
離憂

馬武騎挽歌二首

五日皆休沐三泉獨不歸池臺金闕是樽酒瑋筵
非巷靜遊禽入門閒過客稀唯餘昔年鳳尚繞故
樓飛

昔下天津館嘗過帝子家夜傾金屋酒春舞玉臺

花試馬依紅埽吹簫弄紫霞誰言東郭路翻在北
門車

武三思挽歌

玉匣金爲縷銀鈎石作銘短歌傷薤曲長暮泣松
扃事往昏朝霧人亡折夜星忠賢良可惜圖畫入
丹青

天官崔侍郎夫人盧氏挽歌

寵服當年盛芳魂此地窮劒飛龍匣在人去鵲巢
空簾愴孤生竹琴哀半死桐唯當青史上千載仰

詩紀
初唐卷之二十五
古
嬪風

嬪風
命母主
天官
王國

代詩

初唐第二十五

初唐第二十六

唐詩紀二十六

鄣郡吳瑄彙編

江都陸弼同校

李嶠_二

五言律詩

日

日出扶桑路遙升若木枝雲間五色滿霞際九光
披東陸蒼龍駕南郊赤羽馳傾心比葵藿朝夕奉
光曦

詩紀

初唐卷之二十六

月

桂浦三五夕，莫分二八時。清輝飛鵲鑑，新影學

一作

入蛾眉皎潔臨，踈牖玲瓏鑒。薄帷願言從，愛客清

夜幸同嬉。

星

蜀郡靈槎轉，豐城寶劍

一作氣

新將軍臨北塞，天子

入西秦。未作三台輔，寧為五老臣。今宵潁川曲，誰

識聚賢人。

風

落日生蘋末，搖揚徧遠林。帶花疑鳳舞，向竹似龍

吟。月動臨秋扇，松清入夜琴。若至蘭臺下

一作蘭臺宮殿

峻還拂楚王襟。

雲

英英大梁國，郁郁秘書臺。碧落從龍起，青山觸石

來。官名光邃古，蓋影耿輕埃。飛感高歌發，威加四

海迴。

煙

瑞氣凌青閣，空濛上翠微。迴浮雙闕路，遙拂九仙

衣桑柘迎寒色松篁暗晚暉還當紫霄上時接彩鸞飛

露

滴瀝明花苑葳蕤泫竹叢玉垂丹棘上珠湛綠荷中夜警千年鶴朝零七月風願凝仙掌內長奉未央宮

霧

曹公迷楚澤漢帝出平城涿野妖氛靜丹山霽色明類煙飛稍重方雨散還輕倘入非熊繇寧思玄

豹情

雨

西北雲膚起東南雨足來靈童出海見神女向臺迴斜影風前合圓文水上開十旬無破塊九土信康哉

雪

瑞雪驚千里從風下一作同九霄地疑明月夜山似白雲朝一作龍沙飛正逐舞花光動臨歌扇影飄大周天闕路今日海神朝

山

地鎮標神秀

一作山嶺鬱氣氤氳

峨峨上翠氛泉飛一道帶

峰出半天雲古壁丹青色新花綺繡紋已開封禪

所

一作禮

希謁聖明君

石

宗子維城固將軍飲羽威巖花鑑裏發雲葉錦中

飛入宋星初墮過湘鷺早歸倘因持補極寧復羨

支機

原

王粲銷憂日江淹起恨年帶川遙綺錯分隰迴阡

眠

橫周甸莓苔闕晉田方知急難響長在鶴

鶴篇

野

鳳出秦郊迴鶉飛楚塞空蒼梧雲影去涿鹿霧光

通草暗少原綠花明入蜀紅誰言版築士猶處傳

巖中

田

貢禹懷書日張衡作賦辰杏花開鳳軫苜葉布龍

詩記

初唐卷之二十六

四

言終
初唐卷之三十一
四
鱗瑞麥兩岐秀嘉禾同穎新寧知帝王力擊壤自
安貧

道

銅駝分鞏洛劔閣抵臨邛紫微三千里青樓十二
重玉關塵似雪金穴馬如龍今日中衢上堯罇更
可逢

海

習坎疏丹壑朝宗合紫微三山巨鰲湧萬里
大鵬飛樓寫春雲色珠含明月輝會因添霧露方

一作九萬

逐衆川歸

江

日夕三江望靈潮萬里迴霞津錦浪動月浦練花
開湍似黃牛去濤從白馬來英靈已傑出誰識卿
雲才

河

源出崑崙中長波接漢空桃花來馬頰竹箭入龍
宮德水千年變榮光五色通若披蘭葉檢

闕

洛

九洛韶光媚三川物候新花明丹鳳浦日映玉雞
津元禮期仙客陳王觀麗人神龜方錫瑞綠字仲
來臻

城

四塞稱天府三河建洛都飛雲靄層闕白日麗南
隅獨下仙人鳳羣驚御史烏何辭一萬里邊徼捍
匈奴

門

奕奕彤闈下煌煌紫禁隈阿房萬戶列閭闔九重
開疏廣遺榮去于公待駟來詎知金馬側方朔有
奇才

市

闐闐開三市旗亭起百尋漸離初擊筑司馬正彈
琴細柳龍鱗映長槐兔月陰徒知觀衛玉詎肯掛
秦巾

井

玉甃談仙客銅臺賞魏君蜀都宵映火杞國旦生

雲向日蓮花淨含風李樹薰已開千里國還聚五
星文

秦中宅

寂寂蓬蒿徑喧喧湫隘廬屢逢長者轍時引故人
車孟母遷鄰罷將軍辭第初誰憐草玄處獨對一
牀書

池

綵棹浮太液清觴醉習家詩情對明月雲曲拂流
霞煙散龍形淨波含鳳影斜安仁動秋興魚鳥思

空餘

樓

百尺重城際千尋大道隈漢宮井榦起吳國落星
開笛怨綠珠去簫隨弄玉來銷憂聊暇日誰識仲
宣才

橋

烏鵲填應滿黃公去不歸勢疑虹始見形似鴈初
飛妙應七星制高分半月輝秦王空構石仙島遠
難依

詩紀

初唐卷之二十六

六

經

漢室鴻儒盛鄒堂大義明五千道德闡二百禮儀
成青紫方拾芥黃金徒滿籛誰知懷逸辯重席冠
羣英

史

馬記天官設班圖地理新善談方壘壘青簡見彬
彬方朔初聞漢荆軻昔向秦正辭堪載筆終冀作
良臣

詩

都尉仙鳧遠梁王駟馬來扇中紈素製機上錦紋
迴天子三章傳陳王七步才緇衣久擅美祖德信
悠哉

賦

布義孫卿子登高楚屈平銅臺初下筆樂觀正飛
纓乍有凌雲勢時聞擲地聲造端長體物無復大
夫名

書

削簡龍文見臨池鳥跡舒河圖八卦出洛範

一作字

詩經
卷之二十六
九疇初垂露春光滿崩雲骨氣餘請君看入木一寸乃非虛

檄

羽檄本宣明由來木聲聯翩至漢國迢遞入燕營毛義持書去張儀韞璧行曹風雖覺愈陳草始知名

紙

妙跡蔡侯施芳名古伯馳雲飛錦綺落花發縹紅披舒卷隨幽顯廉方合軌儀莫驚反掌字當取葛

洪規

筆

握管門庭側含毫山水隈霜輝簡上發錦字夢中開鸚鵡摛文至麒麟絕句來何當遇良史左右振奇才

硯

左思裁賦日王充作論年光隨錦文發形帶石巖圓積潤循毫裏開池小學前君苗徒見藝誰詠士衡篇

墨

長安分石炭上黨結松心
遶畫蠅初落含滋綬更
深悲絲光易染疊素彩還沈
別有張芝學書池幸
見臨

劍

我有昆吾劍求趨夫子庭
白虹時切玉紫氣夜干
星鏐上芙蓉動匣中霜雪明
倚天持報國畫地取
雄名

刀

列辟鳴鸞至惟良佩犢旋帶環
疑寫月引鑑似含
泉入夢華梁上含鋒彩筆前
莫驚開百鍊特擬定
三邊

箭

漢甸初收羽燕城忽解圍
影隨流水急光帶落星
飛夏列三成範堯沈九日輝
斷蛟雲夢澤希為識
忘歸

彈

俠客持蘇合佳游蒲帝鄉
避丸溪可謂求炙遂難

言終
忘金迸疑星落珠成似月光誰知少孺子將此見
吳王

弩

挺質本軒黃申威振遠方機張驚雉雒玉彩耀星
芒高鳥行應盡清猿坐見傷蘇秦六百步持此說
韓王

旗

桂影承宵月虹輝接曙雲縱橫齊八陣舒卷引三
軍日薄蛟龍影風翻鳥隼文誰知懷勇志蟠地幾

繽紛

旌

告善康莊側求賢市肆中擁麾分彩雉持節曳丹
虹影麗天山雪光搖朔塞風方知美周政抗旆賦
車攻

戈

富父春喉日殷辛漂杵年曉霜含白刃落影駐雕
鋌夕擯金門側朝提玉塞前願隨龍影度橫
雲邊

言糸
鼓

舜日諧鼓響堯年韻土聲向樓疑吹擊震谷似雷
驚仙鶴排門起靈鼉帶水鳴樂云行已奏禮曰冀
相成

弓

挑文稱辟惡桑質表初生宛轉雕鞬際依稀半月
明遙彎落鴈影虛引怯猿聲徒切烏號思攀龍遂
不成

琴

隱士竹林隈英聲寶匣開風前綠綺弄月下白雲
來淮海多為室梁岷舊作臺子期如可聽山水響
餘哀

瑟

伏羲初製法素女昔傳名流水嘉魚躍叢臺舞鳳
驚嘉賓飲未極君子娛俱并倘入丘之戶應知由
也情

琵琶

朱絳聞岱谷鑠質本多端半月分絃出叢花拂面

詩已

初唐卷之三十六

三

言終
安將軍曾制曲司馬屢陪觀本是胡中樂希君馬上彈

箏

蒙恬芳軌設游楚妙彈開新曲帳中發清音指下來
鈿裝模六律柱列配三才莫聽西秦奏箏箏有
剩哀箏箏釋名曰箏施絃高箏箏然

鐘一作宋之問詩

既接南隣磬還隨北里笙平陵通曙響長樂警一作
宵聲秋至含霜動春歸應律鳴欲知常待扣金

簾有餘清

簫

虞舜調清管王褒賦雅音參差橫鳳翼搜索動人

心闕

笛一作宋之問詩

羌笛寫龍一作宋之問詩聲長吟入夜清關山孤月下來向
隴頭鳴逐吹梅花落含春柳色驚行觀向子賦坐
憶舊隣情

詩記

初唐卷之三十六

七

言系
初唐卷之二十六
三
笙

懸匏曲沃上孤篠汶陽隈形寫歌鸞翼聲隨舞鳳
哀歡娛分北里純孝卽南陔今日虞音奏踳踳鳥
獸來

歌

漢帝臨汾水周仙去洛濱郢中吟白雪梁上繞飛
塵響發行雲駐聲隨子夜新願君聽扣角當自識
賢臣

舞

妙伎遊金谷佳人滿石城霞衣席上轉花岫雪前
明儀鳳諧清曲迴鸞應雅聲非君一顧重誰賞素
腰輕

初唐第二十六

初唐第二十七

唐詩紀二十七

鄆郡吳瑄彙編

江都陸弼同校

李嶠

五言律詩

珠

燦爛金輿側玲瓏玉殿隈
昆池明月滿合浦夜光
迴彩逐靈蛇轉形隨舞鳳來
甘泉宮起罷花媚望
風臺

詩紀

初唐卷之三十一

玉

映石先過魏連城欲向秦洛陽陪勝友燕趙類佳人
方水晴虹媚常山瑞馬新徒爲卞和識不遇楚
王珍

金

南楚標前貢西秦識舊城祭天封漢嶺擲地警孫
聲向日披沙淨含風振鐸鳴方同楊伯起獨有四
知名

銀

思婦屏輝掩遊人燭影長玉壺初下箭桐井共安
牀色帶長河色光浮滿月光靈山有珍甕仙闕薦
君王

錢

漢日五銖建姬年九府流天龍帶泉寶地馬列金
溝趙壹囊初乏何曾箸欲收金門應入論玉井冀
來求

錦

漢使巾車遠河陽步障陳雲浮仙石日霞滿蜀江

詩紀

初唐卷之二十七

七

春機迴迴文巧紳兼束髮新若逢楚王貴不作夜行人

羅

妙舞隨裙動行歌入扇清蓮花依帳發秋月鑿帷明雲薄衣初捲蟬飛翼轉輕若珍三代服同擅綺紈名

綾

金縷通秦國為裘指魏君落花遙寫霧飛鶴近圖雲馬眼冰陵影竹根雪霰文何當畫秦女煙際坐

氤氲

素

女織腰洛浦妃 遠方望鴈足上林

飛妙奪鮫綃色光騰月扇輝非君下路去誰賞故人機

布

御績創羲黃鎬冠表素王瀑飛臨碧海火浣擅炎方孫被登三相劉衣闡四方佇因春斗粟來曉棣華芳

舟

征棹三江暮連檣萬里迴相烏風際轉畫鷁浪前
開羽客乘霞至仙人弄月來何當同傳說特展巨
川材

車

天子馭金根蒲輪闢四門五神趨雪至雙轂似雷
奔丹鳳棲金轄非熊載寶軒無階忝虛左珠乘奉
王言

牀

傳聞有象牀疇昔獻君王玳瑁千金起珊瑚七寶
粧桂筵含柏馥蘭席拂沈香願奉羅帷夜長承秋
月光

席

避坐承宣父重筵揖戴公桂香浮半月蘭氣襲回
風舞拂丹霞上歌清白雪中佇將文綺色舒卷帝
王宮

帷

久閉先生戶高褰太守車羅將翡翠合錦逐鳳凰

舒明月彈琴夜清風入幌初方知決勝策黃石受
兵書

王宮 簾

清風時入燕紫殿幾含秋曖曖籠靈閣纖纖上玉
鈎牕中翡翠動戶外水精浮巧作盤龍勢長迎飛
燕遊

屏

洞徹琉璃蔽威紆屈膝迴錦中雲母列霞上織成
開山水含春動神仙倒景來脩身兼竭節誰識作

銘才

被

桂友尋東閣蘭交聚北堂象筵分錦繡羅薦合鴛
鴦光逸偷眠穩王章泣恨長孔懷欣共寢棣萼幾
含芳

鑑

明鑑掩塵埃含情照魏臺日中烏鵲至花裏鳳凰
來玉彩疑冰澈金輝似月開方知樂彥輔自有鑒
人才

扇

翟羽舊傳名蒲葵價不輕花芳不滿面羅薄詎障
聲禦熱含風細臨秋帶月明同心如可贈持表合
歡情

燭

兔月清光隱龍盤畫燭新三星花入夜四序玉調
晨浮炷依羅幌吹香匝綺茵若逢燕國相持用舉
賢人

酒

孔坐洽良儔陳筵幾獻酬臨風竹葉滿湛月桂香
浮每接高陽宴長陪河朔遊會從玄石飲雲雨出
圓丘

蘭

虛室重招尋忘言契斷金英浮漢家酒雪儷楚王
琴廣殿輕香發高臺遠吹吟河汾應擢秀誰肯訪
山陰

菊

玉律三秋暮金精九日開榮舒洛媛浦香泛野人

詩經
衣來
杯霍靡寒潭側丰茸曉岸隈黃花今日晚無復白

竹

高幹楚江濱嬋娟含曙氛白花搖鳳影青節動龍
文葉掃東南日枝捎西北雲誰知湘水上流淚獨
思君

藤

吐葉依松磴舒苗長石臺神農嘗藥罷質子寄書
來色映蒲萄架花分竹葉杯金隄不見識玉潤幾

重開

萱

屣步尋芳草一作日忘憂自結叢黃英開養性綠葉
正依籠色湛仙人露香傳少女風還依一作含貞北堂
下曹植動文雄

茅

楚甸供王日衡陽入貢年麇包青野外鷓嘯綺楹
前堯帝成茨罷殷湯祭雨旋方期大君錫不懼小
巫捐

荷

新溜滿澄陂圓荷影若規風來香氣遠日落蓋陰
移魚戲排細葉龜浮見綠池魏朝難接採楚服但
同披

萍

二月虹初見三春蟻正浮青蘋含吹轉紫蒂帶波
流屢逐明神薦常隨旅客遊既能甜似蜜還遶楚
王舟

菱

鉅野韶光暮東平春溜通影搖江浦月香引棹歌
風日色翻池上潭花發鏡中五湖多賞樂千里望
難窮

瓜

欲識東陵味青門五色瓜龍蹄遠珠履女臂動金
花六子方呈瑞三仙實可嘉終朝奉締絡謁帝佇
非賒

松

鬱鬱高巖表森森幽澗隈鶴棲君子樹風拂大夫

枝百尺條陰合千年蓋影披歲寒終不改勁一作多
節幸君知

桂

未值銀

蟾一作

宮裏寧移玉殿幽枝生無限月花滿

自然秋俠客條爲馬仙人葉作舟願君期道術攀
折可淹留

槐

暮律移寒火春宮長舊栽葉生馳道側花落鳳庭
隈烈士懷忠觸鴻儒訪業來何當赤墀下疎幹擬

三台

柳

楊柳鬱氤氲金堤總翠氛庭前花類雪樓際葉如
雲列宿分龍影芳池寫鳳文短簫何以奏攀折爲
思君

桐

孤秀嶧陽岑亭亭出衆林春光襍鳳影秋月弄圭
陰高映龍門迴雙依玉井深不因將入爨誰爲作
鳴琴

桃

獨有成蹊處穠華發井傍山風凝笑臉朝露泣啼
粧隱士顏應改仙人路漸長還欣上林死千歲奉
君王

李

潘岳閑居日王戎戲陌辰蝶遊芳徑馥鶯囀弱枝
新葉暗青房晚花明玉井春方知有靈幹特一作時
用表真人

梨

擅美玄光側傳芳瀚海中鳳文疎象郡花影麗新
豐色對瑤池紫甘依大谷紅若令逢漢主還冀識

張公

梅

大庾歛寒光南枝獨早芳雪含朝暝一作紫花色風引
去來一作春香粧面迴青鏡歌塵起畫梁若能遙止
渴何暇泛瓊漿

橘

萬里盤根植千株布葉繁旣榮潘子賦方重陸生

言玉蕊含霜動金衣逐吹翻願辭湘水曲長茂上
林園

鳳

有鳥居丹穴其名曰鳳皇九苞應靈瑞五色成文
章屢向秦樓側頻過洛水陽鳴岐今日見阿閣佇
來翔

鶴

黃鶴遠聯翩從鸞下紫煙翱翔一萬里來去幾千
年已憇青田側時遊丹禁前莫言空警露猶冀一

聞天

鳥

日路朝飛急霜臺夕影寒聯翩依月樹迢遞繞風
竿白首何年改青琴此夜彈靈臺如可託千里向
長安

鵲

不分荆山抵甘從石印飛危巢畏風急繞樹覺星
稀喜逐行人至愁隨織女歸儻遊明鏡裏朝夕動
光輝

鴈

春暉滿朔方候鴈發衡陽望月驚弦影排雲結陣
行往還倦南北朝夕苦風霜寄語能鳴侶相隨入
帝鄉

鳧

颯沓睢陽涖浮游漢水隈錢飛出一作井見鶴引
入琴哀李陵賦一作降將貽詩罷王喬曳舄來何當歸
太液翔集動成雷

鶯

芳樹禰花紅羣鶯亂曉空聲分折楊吹嬌韻落梅
風寫嘒清絃裏遷喬暗木中友生若可冀幽谷響
還通

雉

白雉振朝聲飛來表太平楚郊疑鳳出陳寶若雞
鳴童子懷仁至中郎作賦成冀君看飲啄耿介獨
含情

燕

天女伺辰至玄衣澹碧空差池沐時雨頡頏舞春

風相賀雕欄側雙飛翠幕中勿驚留爪去猶與識
吳宮

雀

大厦初成日嘉賓集杏梁銜書表周瑞入幕應王
祥暮宿空城裏朝遊漣水傍願齊鴻鵠至希逐鳳
皇翔

龍

銜燭耀

一作輝

幽都含章擬鳳雛西秦飲渭水東洛

薦河圖帶火移星陸勝雲出鼎湖希逢聖人步庭

闕正長趨

麟

漢祀應祥開魯郊西狩迴奇音中鍾呂成角喻英
才畫像臨仙閣藏書入帝臺若驚能吐哺為待一作
觀鳳皇來

象

鬱林開郡畢維揚作貢初萬推方演楚惠子正焚
書執燧奔吳戰量舟入魏墟六牙行致遠千葉奉
高居

馬

天馬本來東嘶驚御史驄蒼龍遙逐日紫燕迴追
風明月來鞍上浮雲落蓋中得隨穆天子何假唐
成公

牛

齊歌初入相燕陣早橫功欲向桃林下先過紫樹
中在吳頻喘月奔夢屢驚風不用五丁士如何九
折通

豹

車法肇宗周毳文闡大猷還將君子變來蘊太公
籌委質超羊鞞飛名列虎侯若令逢雨露長隱南

山幽

林則熊

導洛宜陽古乘春別館前昭儀忠漢日太傅翊周
年列射三侯滿興師七步旋莫言舒紫褥猶異飲

清泉

羊

公賦鹿

涿鹿開中冀秦原闢帝畿柰花開舊苑萍葉藹前

詩記

初唐卷之三十一

百

詩道士乘仙日先王折角時方懷丈夫志抗首別
心期

青泉 羊

絕飲懲澆俗行驅夢逸材仙人擁石去童子馭車
來夜玉含星動晨氈映雪開莫言鴻漸力長牧上
林隈

山 兔

上蔡應初擊平岡遠不稀目隨槐葉長形逐桂條
飛漢月澄秋色梁園映雪輝唯當感純孝郭郭引

兵威

初唐第二十七

初唐第二十八

唐詩紀二十八

鄆郡吳瑄彙編

江都陸弼同校

李嶠

四

七言律詩

人日侍宴大明宮恩賜綵縷人勝應制

鳳城景色已含韶人日風光倍覺饒桂吐半輪迎

此夜莫開七葉應今朝魚猜水凍行猶澁鶯喜春

熙弄欲嬌愧奉登高搖彩翰欣逢御氣上丹青

奉和初春幸太平公主南莊應制

主家山第接雲開
天子春遊動地來
羽騎參差花外轉
霓旌摇曳一作賜日邊迴
還將石溜調琴曲
更取峯霞入酒杯
鸞輅已辭烏鵲渚
簫聲猶繞鳳皇臺

太平公主山亭侍宴應制

黃金瑞榜絳河隈
白玉仙輿紫禁來
碧樹青岑雲外聳
朱樓畫閣一作壁水中開
龍舟下瞰鮫人室
羽節高臨鳳女臺
遽惜歡娛歌吹晚
揮戈更卻一作卻使

曜靈回

五言排律

奉和拜洛應制拜洛一作受圖溫洛

七萃鑾輿動千年
瑞檢開文如龜負
出圖似鳳銜來
殷薦三神享明一作禋
萬國陪周旗黃鳥
集漢幄紫雲迴日暮
鈎陳轉清歌上帝臺

奉和幸大薦福寺應制寺即中宗舊宅

鴈沼開香域
鸚林降綵旃
還窺圖鳳宇
更坐濯龍川
桂輦朝羣辟
蘭宮列四禪
半空銀閣斷
分砌寶

言終
繩連甘雨蘇焦一作澤慈雲動沛篇獨慙賢作礪
空喜福成田

奉和幸長安故城未央宮應制

舊宮賢相築新苑聖君來運改城隍變年溪棟宇
摧後池無復水前殿久成灰莫辯祈風觀空傳承
露杯宸心千載合睿律九韶開今日聯章處猶疑
上栢臺

奉和幸望春宮送朔方總管張仁亶

玉塞征驕子金符命老臣三軍張武旆萬乘餞行

輪猛氣凌玄朔崇恩降紫宸投醪還結一作士辭

第本一作忘身露下鷹初擊風高鴈欲賓方銷塞

北祲還靖漠南塵

奉和幸三會寺應制寺傳云蒼頡造書臺

故臺蒼頡里新邑紫泉居歲在開金寺時來降玉
輿龍形雖起刹鳥跡尚留書竹是蒸青外池仍點
墨餘天文光聖草寶思合真如謬奉千齡日欣陪
十地初

奉和天樞成宴夷夏羣寮應制

唐新語云長壽中則天徵天下銅鐵於定鼎門內鑄八稜銅柱高九十九尺徑一丈二尺題曰大周萬國述德天樞紀革命之功貶唐家之德天樞下置鐵山銅龍負載獅子麒麟圍遶上有雲蓋下施盤龍以托火珠高一丈圍三丈金彩熒煌光侔日月武三思為文朝士獻詩者不可勝紀
唯嶠詩冠絕當時

轍迹光西嶢勳庸紀北燕何如萬方一作會頌

諷德九門前灼灼一作臨黃道迢迢入紫煙仙盤

正下露高柱欲承天山類叢雲起珠疑大火懸聲

流塵作劫業固海成田帝一作澤傾堯酒宸歌掩

一作薰舜絃欣逢下生日還覩一作上皇年

皇帝上一作禮撫事迹懷

配極輝光遠承天顧託隆負圖濟多難脫履歸成
 功聖道昭永錫邕言讓在躬還推萬方重咸仰四
 門聰恭已忘自逸因人體至公垂旒滄海晏解網
 法星空雲散天五色春還一作日再中稱觴合纓
 弁率舞應絲桐凱樂溪居鎬傳歌盛飲豐小臣濫
 簪筆無以頌唐風

奉和幸韋嗣立山莊侍宴應制

南洛師臣契東巖王佐居幽情遺綬冕宸眷屬樵

漁制下峒山蹕恩廻灞水輿松門駐旌蓋薛幄引
簪裾石磴平黃陸煙樓半紫虛雲霞仙路近琴酒
俗塵踈喬木千齡外懸泉百丈一作餘崖深經練
藥穴古舊藏書樹宿搏風鳥池潛一作遊縱壑魚寧
知天子貴尚憶武侯廬

倡婦行

十年倡家婦三秋邊地人紅粧樓上歇白髮隴頭
新夜夜風霜苦年年征戍頻山西長落日塞北久
無春團扇辭恩寵迴文贈苦辛胡兵屢攻戰漢使

一作恩絕和親消息如瓶井沈浮似路塵空餘千里
月照妾兩眉嚬

餞薛大夫護邊

荒隅時未通副相下臨戎授律星芒動分兵月暈
空犀皮擁青橐象齒飾彫弓決勝三河勇長驅六
郡雄登山窺代北屈指計遼東佇見燕然上抽毫
頌武功

和杜學士旅次淮口阻風

夕吹生寒浦清淮上暝潮迎風欲舉棹觸浪反停

詩經 卷之二十八
五
橈淼漫煙波闊參差林岸遙日沈丹氣歛天敞白
雲銷水鴈銜蘆葉沙鳧隱荻苗客行殊未已川路
幾迢迢

送光祿劉主簿之洛

函谷雙嶠石伊川二陝東仙舟宵將隔芳竿斲云
同朋席餘歡盡文房舊侶空他鄉千里月岐路九
秋風背櫂嘶班馬分洲叫斷鴻別後青山外相望
白雲中

送駱奉禮從軍

玉塞邊烽舉金壇廟畧申羽書資銳筆戎幕引英
賓劍動三軍氣衣飄萬里塵琴樽留別賞風景惜
離晨笛梅含晚吹管柳帶餘春希君勒石返歌舞
入城闈

王屋山第之側雜構小亭暇日與羣公同遊

桂亭依絕巘蘭榭俯迴谿綺棟魚鱗出雕甍鳳羽
栖引泉聊漲沼鑿磴且通蹊席上山花落簾前野
樹低弋林開曙景鈞渚發晴霓狎水驚梁鴈臨風

詩經 初唐卷之二十八
聽楚雞復看題柳葉彌喜蔭桐圭

奉和杜貞外扈從教閱

杪冬嚴殺氣窮紀送頽光薄狩三農隙大閱五戎
場萊田初起燒蘭野正開防夾岼虹旗轉分朋獸
罟張燕弧帶曉月吳劍動秋霜原啟前禽路山縈
後騎行雲區墜日羽星苑斃天狼禮振軍容肅威
宣武節揚神心體殷祝靈兆叶姬祥幸陪仙駕未
欣採翰林芳

軍師凱旋自邕州順流舟中

鳴鞞入嶂口汎舸歷川湄尚想江陵陣猶疑下瀨
師岼迴帆影疾風逆鼓聲遲萍葉沾蘭槩林花拂
桂旗弓鳴蒼隼落劍動白猿悲芳樹吟羌管幽篁
入楚詞全軍多勝策無戰在明時寄謝山東妙長
纓徒自欺

夏晚九成宮呈同寮

碣館分襄野平臺架射峯英藩信煒燁勝地本從
容林引梧庭鳳泉歸竹沼龍小軒恒共處長坂屬
相從野席蘭琴奏山臺桂酒醲一枰移晝景六著

言終
卷之二十八
盡宵鐘枚藻清詞律鄒譚耀辯鋒結歡良有裕聯
來愧無庸慙悅丘中賞還希物外蹤風煙遠近至
魚鳥去來逢月澗橫千丈雲崖列萬重樹紅山果
熟崖綠水苔濃願以西園柳長間北巖松

田假限疾不獲還莊載想田園兼思親友
贈杜幽素

游宦勞牽網風塵久化衣迹馳東苑路望阻北巖
扉及此承休告聊將狎遁肥十旬俄委疾三徑且
殊歸茂陵宵難卽靈臺暫可依疲痾旅城寺延想

屬郊畿夕夢園林是晨瞻邑里非綠疇良已穢清
濠曠不追野花何處落山月幾秋輝彼美符商政
優游絕漢機高情物累遣逸氣煙霞飛樂道方無
悶懷賢獨有違樽虛舊園酒琴靜故人薇夏沼蓮
初發秋田麥稍稀何當携手去歲暮採芳非

劉侍讀見和山邸篇什重申此贈

神嶽瑤池圃仙宮玉樹林垂時警天御清暑滌宸
襟梁駕陪玄賞淄庭掩翠岑對巖龍岫出分壑鴈
池深簷迴松蘿映牕高石鏡臨落泉奔澗響

驚吹助猿吟野氣迷涼燠山花雜古今英藩盛賓
侶勝景想一作境想招尋踐徑披蘭葉攀崖引桂陰穆
生時泛醴鄒子或調琴雉翳分場合魚鈎向浦沈
朝遊極斜景夕宴待橫參顧已慙鉛錫叨名齒璫
簪暫依朱邸館還暢白雲心丘壑信多美煙霞得
所欽寓言攄宿志竊吹簡知音獎價踰珍石酬文
重振金方從仁智所携手濯清潄

晚秋喜雨

并序

咸亨元年自四月不雨至于九月王畿之內嘉

穀不滋君子小人惶惶如也天子慮深求瘼念
在責躬避寢損膳錄寃弛役牲幣之禮遍於神
祇鐘庾之貸周於窮乏至誠斯盛靈睭有融爰
降甘澤大拯炎亢朝廷公卿相趨動色里閭毗
庶謳吟成響年和俗阜於焉可致撫事形言孰
云能已乃詩曰

積陽纏首夏隆旱屆徂秋炎威振皇服歆景暴神
州氣滌朝川朗光澄夕照浮草木委林甸禾黍悴
原疇國懼流金青人深懸磬憂紫宸兢履薄丹宸

念推溝望肅壇場祀寃申囹圄囚御車遷玉殿薦
扉撤瓊羞濟窘邦儲發蠲窮并賦優服閒雲驥屏
冗術土龍修睿感通三極天誠貫六幽夏祈良未
擬商禱詎爲儔穴蟻禎符應山蛇毒影收騰雲八
際滿飛雨四溟周聚靄籠仙闕連霏繞畫樓早陂
仍積水涸沼更通流晚穗萎還結寒苗瘁復抽九
農歡歲阜萬寓慶時休野洽如坻詠途喧擊壤謳
幸聞東李道欣奉北場遊

五言絕句

中秋月二首

盈缺青冥外東風萬古吹何人種丹桂不長出輪
枝
圓魄上寒空皆言四海同安知千里外不有雨兼
風

七言絕句

侍宴桃花園詠桃花應制

紀事云張仁亶自朔方入朝中宗於西苑迎
之從臣宴于桃花園嶠等各賦絕句明日宴
承慶殿上令宮中善謳者唱之詞
旣婉媚歌仍妙絕樂府號桃花行

言終
不周卷之三
歲去無言忽顛顛時來含笑吐氛氲不能擁路一作

棹迷仙客故欲開蹊待聖君

奉和聖製幸韋嗣立山莊應制

萬騎千官擁帝車八龍三馬訪仙家鳳凰原上窺
青壁鸚鵡杯中弄紫霞

遊苑遇雪應制

散漫祥雲逐聖迴飄颻瑞雪繞天來不能落後爭
飛絮故欲迎前定早梅

送司馬先生

蓬閣桃源兩處分人間海上不相聞一朝琴裏悲
黃鶴何日山頭望白雲

初唐第二十八

初唐第二十九

唐詩紀二十九

鄆郡吳瑄彙編

江都陸弼同校

沈佺期

文苑傳云內黃人進士舉長安中累遷通事舍人預修三教珠英善屬文尤長

七言之作與宋之間齊名再轉考功員外坐

贓配流嶺表神龍中為修文館直學士後歷

中書舍人太子詹事開元初卒有文集十卷

○新唐書云建安後訖江左詩律屢變至沈

約庾信以音韻相婉附屬對精密及宋之問

沈佺期尤加靡麗回忌聲病約句準篇如錦

繡成文學者宗之號為沈宋

語曰蘇李居前沈宋比肩

五言古詩

芳樹

何地早芳菲
宛在長門殿
夭桃色若綬
穠李光如練
啼鳥弄花踈
遊蜂飲香遍
歎息春風起
飄零君不見

長安道

秦地平如掌
層城入

一作出

雲漢樓閣九衢春
車馬

千門日綠槐
開復合紅塵
聚還散日晚
鬪雞還

一作

迴經過狹斜看

有所思

君子事行役
再空芳歲期
美人曠延佇
萬里浮雲

思園槿綻紅
豔郊桑柔綠
滋坐看長夏
晚秋月照

一作生羅幃

臨高臺

高臺臨廣陌
車馬紛相續
回首思舊鄉
雲山亂心曲
遠望河流緩
周看原野綠
向夕林鳥還
憂來飛景促

鳳笙曲

憶昔王子晉
鳳笙遊雲空
揮手弄白日
安能戀青

宮豈無嬋娟子結念羅帷一作帳中憐壽不貴色身
世兩無窮

古別離

白水東悠悠中有西行舟舟行有返櫂水去無還
流柰何生別者戚戚懷遠遊遠遊誰當惜所悲會
難收自君闐芳躡一作履青陽四五道皓月掩蘭室
光風虛蕙樓相思無明晦長歎累春秋離居久遲
暮高駕何淹留

辛丑歲十月上幸長安時扈從出西嶽作

西鎮何穹崇壯哉信靈造諸嶺皆峻秀中峰特美
好傍見巨掌存勢如石東倒頗聞首陽去開坼此
河道磅礴壓洪源巍峩壯清昊雲泉紛亂瀑天磴
屹橫抱子先呼其巔宮女世不老下有府君廟歷
載傳灑掃皇一作星明應天游十月戒豐鎬微末忝
閑從兼得事蘋藻宿心愛此一作茲山意欲拾靈草
陰壑已永閉雲竇絕探討芳月期來過迴策思方
浩

和杜麟臺元志春情

嘉樹滿中園氛氲羅秀色不見仙山雲倚琴空太
息沈思若在夢緘怨似無憶青春坐南移白日忽
西匿蛾眉返清鏡閨中不相識

別侍御嚴凝

七澤雲夢林三湘洞庭水自古傳剽俗有時逋惡
子令君出使車行邁方靡靡靜言及枳棘慎勿傷
蘭芷

送喬隨州侃

結友三十載同遊一萬里情爲契濶生心由別離

死拜恩前後人從宦差池起今爾歸漢東明珠報
知已

送友人任括州

青春浩無際白日乃遲遲胡爲賞心客歎邁此芳
時甌粵迫茲守京闕從此辭茫茫理雲帆草草念
行期紛吾結遠佩悵餞出河湄太息東流水盈觴
難再持

餞遠

任子狗退祿結友開舊襟撰酌輟行歎指途勤遠

心秋晶澄回壑霽色肅明林
曖然清軒暮浩思非所任

同工部李侍郎適訪司馬子微

紫微降天仙丹地投雲藻上言華頂事
中間長生道華頂居最高大壑朝陽早
長生術何妙童顏後天老清晨朝鳳京
靜夜思鴻寶憑崖飲蕙氣過澗摘靈草
人非塚已荒海變田應燥昔嘗遊北郡
三霜弄溟島緒言霞上開機事塵外掃
頃來迫世務清曠未云保崎嶇待漏恩
怵惕司言造軒皇重齋

拜漢武愛祈禱順風懷崆峒承露在豐鎬
冷然委輕馭復得散幽抱柱下留伯陽
儲闡登四皓聞有叅同契何時一探討

自昌樂郡泝流至白石嶺下行入郴州

茲山界夷夏天險橫寥廓太史漏登探
文命限開鑿北流自南瀉羣峰迴衆壑
馳波如電騰激石似雷落崖留盤古樹
澗蓄神農藥乳竇何淋漓苔蘚更彩錯
娟娟潭裏虹渺渺灘邊鶴歲杪應流火
天高雲霧一作薄金風吹綠梢玉露洗紅籜
泝舟始

與解登踐桂陽郭匍匐緣脩坂穹窿曳長紵一作索
礙林阻往來過堰每前却救艱不遑飯畢昏無暇
泊濯谿寧足懼磴道誰云惡我行湍險多山水皆
不若安能獨見聞書此貽京洛

過蜀龍門

龍門非禹鑿詭恠乃天功西南出巴峽不與衆山
同長竇亘五里宛轉復嵌空伏湍咆潛石瀑水生
輪風流水無晝夜噴薄龍門中潭河勢不測藻葩
垂彩虹我行當季月煙景共春融江關勤亦甚巘

崿意難窮誓將息機事煉藥此山東

入衛作

淇上風日好紛紛沿岸多綠芳幸未歇汎濫此明
波采繁憶幽吹理棹想荆歌鬱然懷君子浩曠將
如何

夜泊越州逢北使

天地降雷雨放逐還國都重以風潮事年月戒回
艫容顏荒外老心想域中愚憩泊在茲夜炎雲逐
斗樞颺颺縈海若霹靂耿天吳鼇抃羣島失鯨吞

衆流輸偶逢金華使握手淚相濡饑共噬齊棗眠
共席秦蒲旣北思攸濟將南睿所圖往來固無咎
何忽憚前桴

紹隆寺

并序

紹隆寺江嶺最奇去驩州城二十五里將北客
畢日遊憩隨例施香回於舟中作

吾從釋迦久無上師涅槃探道三十載得道天南
端非勝適殊方起誼歸理難放棄乃良緣世慮不
曾干香界縈北渚花龕隱南巒危昂階下石演漾

牕中瀾雲益看木秀天空見藤盤處俗勒宴坐居
貧業行壇試將有漏軀聊作無生觀了然究諸品
彌覺靜者安

神龍初廢逐南荒途出榔口北望蘇耽山

少曾讀仙史知有蘇耽君流望來南國依然會昔
聞泊舟問耆老遙指孤山雲孤山榔郡北不與衆
山羣重崖下縈映嶠嶢上糾紛碧峰泉附落紅壁
樹傍分選地今方爾昇天因可云不才予竄迹羽
化子遺芬將覽成麟鳳旋驚禦鬼文此中迷出處

舍思獨氛氲

初達驩州

流子一十八命予偏不偶配遠天遂窮到遲日最
後水行僂耳國陸行雕題數魂魄游鬼門骸骨遺
鯨口夜則忍饑卧朝則抱病走搔首向南荒拭淚
看北斗何年赦書來重飲洛陽酒

被彈

知人昔不易舉非貴易失爾何按國章無罪見呵
叱平生守直道遂為衆所嫉少以文作吏手不曾

開律一旦法相持荒忙意如漆幼子雙囹圄老夫
一念室昆弟兩三人相次俱囚桎萬樂當衆怒千
謗無片實庶以白黑讒顯此涇渭質劾吏何咆哮
晨夜聞撲扶事間拾虛證理外存枉筆懷痛不見
申抱冤竟難悉窮囚多垢膩愁坐饒蟣蝨三日唯
一飯兩旬不再櫛是時盛夏中曠赫多瘵疾瞪目
眠欲閉暗鳴氣不出有風自扶搖鼓蕩無倫匹安
得吹浮雲令我見白日

枉繫二首

吾憐曾家子昔有投杼疑吾憐周公且非無鴟鴞
詩臣子竭忠孝君親惑讒欺萋斐離骨肉含愁興
此辭

昔日公冶長非罪遇縲紲聖人降兄子古來歎獨

絕我無毫髮瑕苦心懷冰雪今代一作多秀士一作

才誰能繼明轍

黃鶴

黃鶴佐丹鳳不能羣白鵬拂雲遊四海弄影到三
山遙憶君軒上來下天池間明珠世不重知有報

恩環

傷王學士并序

王君赦者少小遊洛陽吾與君隴西李子至爲
友家貧倦道歲常晏如屬文豪翰吟諷所得時
會絕境長安初以器行制在蕃邸侍諸人遊四
年余遭浮議下獄他日余至來知君物化嗚呼
頽叔享年不遐昔同爲人今先鬼錄恨吾非所
闕爾來葬退而賦詩以哀命

閉囚斷外事昧坐半餘暮有言頽叔子亡來已一

言紀 初唐卷之二十九
時初聞宛不信中話涕漣漣而痛哉玄夜重何遽青
春姿憶汝曾旅食屢空漚澗湄吾徒祿未厚筭斗
愧相貽原憲貧無愁顏回樂自持詔書擇才善君
爲王子師寵儒名可尚論秩官猶欺化往不復見
情來安可思目絕毫翰灑耳無歌諷期靈樞寄何
處精魄今何之恨予在丹棘不得看素旗孀妻知
已歎幼子路人悲感遊值商日絕絃留此詞

七言古詩

鳳簫曲

一作古意

八月涼風動高閣千金麗人捲綃幕已憐池上歇
芳菲不念君恩坐搖落世上榮華如轉蓬朝隨阡
陌暮雲中飛燕侍寢昭陽殿班姬飲恨長信宮長
信宮昭陽殿春來歌舞妾自知秋至榮華君不見
昔時羸女厭世氛學吹鳳簫乘彩雲含情轉睩向
蕭史千載紅顏持贈君

古歌

落葉流風向玉臺夜寒秋

一作寒缸愁

思洞房開水晶

簾外金波下雲母牕前銀漢迴玉階陰陰苔蘚色

言糸 初唐卷之二十九 十
君王履綦難再得璇閨窈窕秋夜長繡戶徘徊明
月光燕姬綵帳芙蓉色秦女金鑪蘭麝香北斗七
星橫夜半清歌一曲斷君腸

七夕曝衣篇

按王子陽園苑疏太液池邊有武帝閣帝至七月七日夜

宮女出后衣曝之

君不見昔日宜春太液邊披香畫閣與天連燈火

一作華灼爍九微一作衢映香氣氛氲百和然此夜星

繁河正白人傳織女牽牛客宮中擾擾曝衣樓天

上娥娥紅粉席曝衣何許曛一作時夜半黃宮中綵女

提玉箱珠履奔騰上蘭砌金閨宛轉出梅梁絳河

裏碧煙上雙花伏兔畫一作斂屏風四子盤龍擎斗

帳舒羅散縠一作絲雲霧開綴玉垂珠星漢迴朝霞

散彩羞衣架晚月分光劣鏡臺上有僊人長命綵

中看玉女一作寶媛迎歡繡璫筵中別作春珊瑚一作

現牕裏翻成書椒房金屋寵新流意氣嬌奢不自

由漢文宜惜露臺費一作產晉武須焚前殿裘

入少密谿

雲峰苔壁遶谿斜江路香風夾岸花樹密不言通

鳥道雞鳴始覺有人家人家更在深巖口澗水周
流宅前後遊魚瞥瞥雙釣童伐木丁丁一樵叟自
言避喧非避秦薜衣耕鑿帝堯人相畱且待雞黍
熟夕卧深山蘿月春

雜體

霹靂引

歲七月火伏而金生客有鼓琴於門者奏霹靂之
商聲始戛羽以騁若終扣宮而砰駘電耀耀兮龍
躍雷闐闐兮雨冥氣鳴唵以會雅態歛翕以橫生

有如驅千旗制五兵截荒虺斲長鯨孰與廣陵比
意別鶴儔精而已俾我雄子魄動毅夫髮立懷恩
不淺武義雙輯視胡若芥剪羯如拾豈徒慨慷中
筵備羣娛之翕習哉故此知也

初唐第二十九

我聞皇極之命維百世師也

不文矣夫美質合神賦

意深

五



